

Na osnovu člana 8. stav (2) tačka f) i stava (3) tačka i) Zakona o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), a u vezi sa čl. 3. i 4. Pravilnika o putnoj ispravi za izbjeglice ("Službeni glasnik BiH", broj 80/09) i člana 2. Pravilnika o izgledu i sadržaju zahtjeva za izdavanje putne isprave za izbjeglice, putne isprave za osobe bez državljanstva i putnog lista za strance ("Službeni glasnik BiH", broj 78/09), uz saglasnost Ministarstva sigurnosti Bosne i Hercegovine, Vijeće ministara Bosne i Hercegovine, na 44. sjednici održanoj 3. aprila 2013. godine, donijelo je

ODLUKU

O ZADUŽENJU AGENCIJE ZA IDENTIFIKACIONA DOKUMENTA, EVIDENCIJU I RAZMJENU PODATAKA BOSNE I HERCEGOVINE ZA PERSONALIZACIJU, TEHNIČKU OBRADU I VOĐENJE EVIDENCIJE O PUTNIM ISPRAVAMA ZA IZBJEGLICE

Član 1.

(Predmet Odluke)

Ovom Odlukom zadužuje se Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) za personalizaciju i tehničku obradu putnih isprava za izbjeglice kao i vođenje evidencije putnih isprava za izbjeglice.

Član 2.

(Zaduženje organa nadležnog za personalizaciju)

Sve zahtjeve za izdavanje putnih isprava za izbjeglice zaprimljene od strane Ministarstva sigurnosti Bosne i Hercegovine (u daljem tekstu: Ministarstvo) Agencija personalizuje i nakon obavljene personalizacije dokument vraća Ministarstvu, uz adekvatan status, koji će se predati sistemu koji je u nadležnosti Ministarstva, a po procedurama definisanim zakonima i podzakonskim aktima.

Član 3.

(Zaduženje nadležnog organa i izvornog organa)

(1) Podaci koji se dostavljaju obrađuju se, shodno odredbama Zakona o kretanju i boravku stranaca i azilu ("Službeni glasnik BiH", br. 36/08 i 87/12), u okviru Ministarstva i dostavljaju Agenciji putem web servisa koje će Ministarstvo integrisati u svoj sistem prema tehničkim pravilima definisanim od strane Agencije, shodno Pravilniku o načinu pristupa evidencijama i razmjeni podataka ("Službeni glasnik BiH", broj 35/09).

(2) Ministarstvo je, u skladu sa Zakonom o Agenciji za identifikacione dokumente, evidenciju i razmjenu podataka Bosne i Hercegovine ("Službeni glasnik BiH", broj 56/08), u cilju realizacije personalizacije i tehničke obrade podataka putnih isprava za izbjeglice kao i vođenja evidencija putnih isprava za izbjeglice od strane Agencije, obavezno vršiti akviziciju podataka na način propisan Uputstvom o načinu uzimanja biometrijskih podataka ("Službeni glasnik BiH", broj 45/09) putem svog sistema (posebno biometrijskih

podataka: otisak prsta/ju, fotografija, potpis) u skladu sa ICAO 9303 standardima i odredbama Pravilnika o putnoj ispravi za izbjeglice ("Službeni glasnik BiH", broj 80/09).

Član 4.
(Realizacija Odluke)

Za realizaciju ove odluke zadužuju se Agencija i Ministarstvo.

Član 5.
(Stupanje na snagu)

Ova odluka stupa na snagu osmog dana od dana objavljivanja u "Službenom glasniku BiH".

VM broj 83/13
3. aprila 2013. godine
Sarajevo

Predsjedavajući
Vijeća ministara BiH
Vjekoslav Bevanda, s. r.